

# INUIT ATAQATIGIIT

## INATSISARTUNI



Nuuk 31. marts 2015

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

### Apeqqutit:

1. **Kommunerujussuannngortitsinermi pilersaarutit malillugit KANUKOKA suleqatigalugu nalilersuinerit pilersaarutigineqartut qanoq ingerlanneqarpap?**
2. **Innuttaasunut apeqqutit immersorlugit akisassiat naammassineqareerpap?**
3. **Naliliineq malillugu qaqugu politikikkut oqallinnissaq ingerlanniarneqarpa?**
4. **Kommunerujussuannngortitsinermi akisussaaffiit kommuninut tunniunneqartussat pilersaarutigineqartut piffissaliussat pilersaarutit malippaat?**
5. **Suut inatsisitigut kommunerujussuannngortitsinermi allannguutaassasut naatsersuutigineqarpap ?**

(Inatsisartuni ilaasortaq Ane Hansen, Inuit Ataqatigiit)

### Tunggavilersuut:

Siorna marts-mi Naalakkersuisunik ilisimatitsissutigineqarpoq Namminersorlutik Oqartussat kommunit aammalu KANUKOKA suleqatigiillutik aqqissusseqqinnissamik nalilersuillutik aallartissimasut, tassungalu ilanngullugu innuttaasunut apeqqutit immersorlugit akisassat atorlugit aqqissusseqqinnissap qanitani oqartussaaqatigiinnermut atatillugu innuttaasut isumaanik misissuinerit ingerlanneqassasut. Taakkulu naliliinerit 2015-ip qiteqqunnerani politikikkut oqallinnissamut saqqummiunneqassasut siunertarinearluni 2016-imi inatsisiliortoqarumaarnissaanut atugassatut naatsersuutigineqarluni.

Pilersaarutit siullit malillugit siorna maj-mi naliliineq siulleq Kommunit KANUKOKA-lu Namminersorlutillu Oqartussat akornanni ingerlanneqassasut ilisimatinneqarsimavugut politikikkullu nalilersuineq august 2014 aallartinneqassasoq ilimagineqartoq. Manna tikipparput innuttaasut peqatigalugit nalilersuisoqarneranik sulii malussarata. Kommunerujussuannngortitsinerup siunertamisut iluatsiffeqarnissaa soqutigeqaarput iluarsisariallillu iluarsigasuarnissaat aamma suleqataaffigerusullugit. Suliallu iluatsinnissaanut Naalakkersuinikkut iliuutsit ersinngippallaaqat.